

Meyerspark

N.G. Gemeente



Een groot familie

Handelinge 2:37-47

Die eerste bekeerdes

37By die aanhoor hiervan is die mense diep getref en het hulle vir Petrus en die ander apostels gevra: “Wat moet ons doen, broers?”

38Toe antwoord Petrus hulle: “Bekeer julle en laat elkeen van julle gedoop word in die Naam van Jesus Christus, en God sal julle sondes vergewe en julle sal die Heilige Gees as gawe ontvang. 39Wat God belowe het, is vir julle en vir julle kinders en vir almal wat daar ver is, vir almal wat die Here ons God na Hom toe sal roep.”

40Met nog baie ander woorde het Petrus getuig en hulle aangespoor: “Laat julle red tussen hierdie ontaarde mense uit.”

41Dié wat sy woorde aangeneem het, is gedoop, en omtrent drie duisend mense is op daardie dag by die getal van die gelowiges gevoeg. 42Hulle het hulle heelhartig toegelê op die leer van die apostels en die onderlinge verbondenheid, die gemeenskaplike maaltyd en die gebede.

Die eerste gemeente

43Die apostels het baie wonders en tekens gedoen, en dit het almal met diep ontsag vervul. 44Al die gelowiges was eensgesind en het alles met mekaar gedeel. 45Hulle het hulle grond en besittings verkoop en die geld aan almal uitgedeel volgens elkeen se behoeftte. 46Hulle het almal elke dag getrou by die tempel bymekaargekom, van huis tot huis die gemeenskaplike maaltyd gehou, hulle kos met blydschap en in alle eenvoud geëet, 47en God geprys. Die hele volk was hulle goedgesind. En die Here het elke dag mense wat gered word, by die gemeente gevoeg.

Wat staan vir jou uit in hierdie gedeelte?

Wie, dink jy, kwalifiseer almal om aan hierdie gemeente te behoort?

In hierdie gedeelte sien ons hoe ‘n gemeente lyk waar Christus Koning is en in beheer van die gemeente is. Calvyn het gesê dat vers 42 die Christelike gemeente in ‘n neutedop beskryf. Watter elemente word hier genoem wat deel moet wees van ‘n gemeente en erediens?

Hoe beleef jy die eredienste in die gemeente?

Watter van die kenmerke van die eerste gemeente in Jerusalem is sigbaar in Meyerspark-gemeente?

As jy ‘n punt uit 10 moet gee, hoe vaar Meyerspark-gemeente ten op sigte van:

Wonders en tekens (v43)	
Eensgesindheid (v44)	
Mededeelsaamheid (v44-45)	
Vreugdevolle eredienste en byeenkomste (v46-47)	
‘n Gemeente met wye, oop deure (v47)	

Is daar aspekte waarop ons kan verbeter en hoe sal ons dit kan doen?

As Lukas ‘n getuigskrif oor Meyerspark-gemeente moes skryf, wat sou hy skryf?

Bespreek die stelling: *Die kerk het ‘n te groot en lomp instelling geword, en in die proses het ons vergeet dat ons ‘n familie is wat mekaar moet help en vir mekaar moet omgee.*